



D'Razzia-Katze

(Alt Sports-Schnägge).

1. Als Razzia-Katze hätt is gärn,
E junge Drübel g'schnabbi,
Doch s'Raffee Wittli isch nit z'Bärn,
Dä Fang hett gar nit glabbi.
Denn erschtens mergsch 's der Schnure-n-a
Dass mer vo Basel sin;
Und zweitens, wotsch der Paf no ha,
So ha-n-i-en do drinn.

2. Der Obenabehuser ka
Mit ohni Nörgle sy.
Sogar by der Olympia
Steggt er sy Nase dry.
s'Theater em im Mage lyt,
Es duet en nyt scheniere;
Me sait, er well in nächster Zyt,
d'Verdauig no zensiere!

3. Im Schießerei-Prozässli duet
Der Biggtor Schwadroniere;
Em Gericht will är voll Heldemuet
d'Revolver expliziere.
Es lychtet mir zwor nit rächt i
Wohär er d'Weishait hett;
Er ka doch nur Ergärte sy,
Wenn me vom Susse redtt!

4. In Maidsiregg und Maidlihofe
Zieht d'Polizei in 's Fäld
Und reddet mit där fuule Schoffe
Em Ruedi Bell sy Gäld.
Me wais jo, worum d'Schugger sin
Erfolgrich uff där Kais;
Will d'Maidlihofe 's ainzig sin
Wo d'Polizei B'schaid wais!

5. Es weggt die Rhywäggschießerei
d'Erinn'rig wieder frisch
Dass unseri Basler Polizei
Viel z'schwach bewaffnet isch!
Es g'herte, so haist unsere Rot,
Kanone däne brave,
Und damit nyt verlore got,
E jedem so-n-e Hafe!

6. Venetian'sche Nacht wär g'riffe,
Mit Polizeikonzärt.
Doch d'Basler sin, um Ysbahn b'schiffe
Denn 's saicht, was s'Härz begährt.
Die Musikante sin schwär g'flohnt,
S'kennt au nit anderscht sy,
Denn d'Schuggermusik isch wie g'wohnt
By jedem Saich derby.

7. Das Sorgekind vo unserer Schmier,
Ka d'Katze nit verbuge.
Macht Razzie, perlangt Bapier,
Der Sittligkait so z'nuke.
Drum Gunschigredyt, mach kaini Dänz
Und ehr dä schneidig Doffi;
Ercht däm liebe Ehnannt Schlänz
E Dängmol uf der Schi-zematte!

